

Акафист святым сорока мученикам Севастийским

Кондак 1

Избранныи страсотёрпцы Христовы четы́редесяте, во граде Севастийстем чрез огонь и воду проше́дшии и в покой вѣчный вше́дшии, пѣсньми восхваля́ем вас, заступников наших. Вы же, яко имущии велие дерзнове́ние ко Го́споду, от всяких нас бед свободите, любвию вам зовущих: Ра́дуйтеся, святѣи четы́редесяте мученицы Севастийстии, пресла́внии чудотво́рцы.

Икос 1

А́нгели Божии, хранители ро́да челове́ческаго, зряще пред мучителем дерзнове́нное ва́ше исповѣдание Христа́, на по́двиг страда́льческий невидимо вас укрепля́ху. Мы же, ве́дуще вас, по́двиг сей до́бре совершивших, ра́достно зыва́ем:

Ра́дуйтеся, дерзнове́нным исповѣданием ва́шим А́нгелы возвесели́вшии;

ра́дуйтеся, дивным терпѣнием ва́шим мучителей удивившии.

Ра́дуйтеся, непобеди́мою си́лою Христо́вою воору́жившиися;

ра́дуйтеся, проти́ву невидимаго врага́ воста́вшии.

Ра́дуйтеся, страда́нии ва́шими диа́вола посрамившии;

ра́дуйтеся, вся злохитрости то́го на вы и ко́зни победившии.

Ра́дуйтеся, неисчѣтнаго мученическаго ли́ка украше́ние;

ра́дуйтеся, земны́я воинствующия Цerkве сильнии помо́щницы.

Ра́дуйтеся, святѣи четы́редесяте мученицы Севастийстии, пресла́внии чудотво́рцы.

Кондак 2

Ви́дя зверонравный мучитель ве́ру мучеников, заключи́ их в темни́цу, Го́сподь же благоутро́бный я́ве посети́ Своя́ рабы́, похваля́я нача́ток по́двига их и увещава́я неосла́бно о́ный соверши́ти, яко то́кмо претерпе́вый до конца́ венча́ется в Ца́рствии Небе́сном и сподобля́ется со А́нгелы пе́ти: Аллилу́иа.

Икос 2

Ра́зум божѣственный от явльшагося вам Христа́ приимше, утверди́стесь в страда́льчестем по́двиге, святѣи страсотёрпцы, и укори́зну Агрико́лая мучителя в похвалу́ себѣ вмени́сте. Сего́ ра́ди хвале́бно вам вопи́ем:

Ра́дуйтеся, ра́зум пра́вый боговѣдения стяжавшии;

ра́дуйтеся, во́лю свою́ во́ли Бо́жией всеце́ло преда́вшии.

Ра́дуйтеся, ласка́ний мучи́теля не послу́шавшии;
ра́дуйтеся, гро́зных то́го пре́щений не убо́явшиися.
Ра́дуйтеся, сла́ву во́инскую Христа́ ра́ди ни во что́же вмени́вшии;
ра́дуйтеся, темни́чное заклю́чение за Христо́во испове́дание
претерпе́вшии.

Ра́дуйтеся, Спаси́телем ми́ра во у́зах посеще́ннии;
ра́дуйтеся, бла́гими словесы́ от Него́ утеше́ннии.

Ра́дуйтеся, свя́тии четы́редесяте му́ченицы Севасти́йстии,
пресла́внии чудотво́рцы.

Кондак 3

Си́ла Вы́шняго соде́ла вас, страстоте́рпцы свя́тии, си́льных в сло́ве
пред нечестивы́ми; те́мже не терпя́ дерзнове́ния ва́шего, го́рдый
мучи́тель па́ки в темни́цу вас вве́рже, в ню́же ра́достно теко́сте, пою́ще
Бо́гу: Аллилу́иа.

Икос 3

Иму́ще, страстоте́рпцы, в темни́це сострада́льца ва́шего Кирио́на
блага́ себё учи́теля, укрепля́етесь в ве́ре Христо́ве и по днех осми́х
ведени́ бывше́ на суди́ще, безбоя́зненно предста́сте Ли́сию кня́зю и
Агрико́лаю воево́де, му́дре обличи́сте их нече́стие. За тако́вое ва́ше
дерзнове́ние прино́сим вам сицевы́я хвалы́:

Ра́дуйтеся, в брони́ю ве́ры Христо́вы облече́ннии;
ра́дуйтеся, щито́м благода́ти Его́ покрове́ннии.

Ра́дуйтеся, еди́наго Христа́ па́че всех возлю́бившии;
ра́дуйтеся, Его́ ра́ди повеле́ния беззако́нных мучи́телей презре́вшии.
Ра́дуйтеся, си́лу Христо́ву пред нечестивы́ми пропове́давшии;
ра́дуйтеся, всемо́гущество Бо́жие я́ве показавшии.

Ра́дуйтеся, я́ко и ка́менная метания́ вам не прикаса́хуся;
ра́дуйтеся, я́ко и ны́не вра́жия стрéлы от нас отража́ете.

Ра́дуйтеся, свя́тии четы́редесяте му́ченицы Севасти́йстии,
пресла́внии чудотво́рцы.

Кондак 4

Бу́рею зло́бы проти́ву Христа́ дыша́, го́рдый Ли́сий трети́цею вве́рже
страда́льцев в темни́цу, в нейже́ па́ки Христос яви́ся, утеша́я, ободря́я
их и нетле́нныя венцы́ в Ца́рствии Небе́сном обеща́вая, о́ни же, сия́
слы́шавше, ра́достно поя́ху Бо́гу: Аллилу́иа.

Икос 4

Слы́шавше мучи́тели твёрдое страстоте́рпцев Христа́ испове́дание, осуди́ша я́ на всено́щное в хла́дном э́зере стоя́ние. Онí же, огонь любви́ божественны́я в сердца́х иму́ще, не убо́яхуся лю́таго мра́за, но единоду́шно сла́вяще Бо́га, идо́ша на страда́ние. Мы же, терпе́нию сих чудя́щиеся, зове́м си́це:

Ра́дуйтесь, добропобедни́и Христо́вы испове́дницы;
ра́дуйтесь, кумиротру́жениа низложители́е.

Ра́дуйтесь, терпе́нием лю́таго муче́ния в покой вечный вше́дшии.

ра́дуйтесь, болезнью́ страда́ний блага́ неизрече́нная обрётшии.

Ра́дуйтесь, драги́и и кре́пции четы́редесяте ка́мение;

ра́дуйтесь, ликом святы́х сопричте́ннии.

Ра́дуйтесь, Христу́ в терпе́нии и злострада́нии подража́вшии;

ра́дуйтесь, Це́рковь Христо́ву собо́ю укрепля́ющии и осиява́ющии.

Ра́дуйтесь, святы́и четы́редесяте му́ченицы Севастийсти́и, пресла́внии чудотво́рцы.

Кондак 5

Боготечны́я звёзды Христо́вы яви́шася святы́и, в но́щном хла́де во э́зере Севастийсте́м сия́ющия, ихже не прельсти́ тёплая ба́ня собла́зна, но со А́нгелы Бо́гу пояху: Аллилу́иа.

Икос 5

Ви́девше святы́и, я́ко еди́н от них отпаде́, убо́ясь мра́за но́щнаго, скры́ся в тёплой ба́ни и а́бие у́мре, тёпле взыва́ху ко Го́споду, да их укрепит в по́двизе страда́ния и просла́вит И́мя Своё. Мы же зове́м им си́це:

Ра́дуйтесь, всю но́щь на́зи во э́зере стоя́вшии;

ра́дуйтесь, единоду́шно та́мо Го́спода призыва́вшии.

Ра́дуйтесь, я́ко свет Божественный осия́ вас;

ра́дуйтесь, я́ко в терпе́нии вашем по́мощь скорую́ Го́сподь ниспосла́ вам.

Ра́дуйтесь, вся ко́зни сопроти́вных победившии;

ра́дуйтесь, Христу́ Царе́ви ввоинившиися.

Ра́дуйтесь, победоно́сцы сла́внии;

ра́дуйтесь, венцы́ пресвётлыа́ с Небесе́ прия́вшии.

Ра́дуйтесь, святы́и четы́редесяте му́ченицы Севастийсти́и, пресла́внии чудотво́рцы.

Кондак 6

Проповѣдницы дивнаго чудесѣ, стражие, у бани бѣвшии, повѣдаша, како в ношѣ свет Небѣсный облистá мученики, во ѣзере лед растопѣ и хлад в угрѣяние преложѣ, ѣже слѣшавше, мучителие паче злѣбою распалѣхуся, не ведуще Богу пѣти: Аллилуѣа.

Икос 6

Возсиявшу на ѣзере свѣту Небѣсному, возсия и в сѣрдце единаго от стражей благодать Божия, яко той совлѣк ризы своя, ввержесе во ѣзеро ко святѣм мучеником, восполняя мѣсто отпадшаго, и тако посрамился князь тмы, ликовавый о умалении лика страдальцев, имже ныне вопиѣм такова́я:

Радуйтесе, полная чetyредесятице, Христу бодренно предстáвшая;
радуйтесе, во ѣзере мѣсленнаго змѣя главу сокрушившии.

Радуйтесе, веселие диавола в печаль обратившии;
радуйтесе, от злѣбы и коварства его вѣрныя избавляющии.

Радуйтесе, страстотѣрпцы, терпением вашим Христови угодившии;
радуйтесе, в хладѣ воды благодатию Святаго Духа просветившиися.

Радуйтесе, страдание ради Христа вѣрою приимшии;
радуйтесе, блаженство райское унаследившии.

Радуйтесе, святѣи чetyредесяте мученицы Севастѣйстии, преславнии чудотворцы.

Кондак 7

Хотяще чуднии страдальцы вѣру во Христа непорочно сохранити, ни во чтоже вмениша славу воинскую и ласкания мучителей, вся лю́тая мучения, áки безплотнии, претерпѣша, поюще Богу: Аллилуѣа.

Икос 7

Новое и последнее святѣи приѣша мучение, яко голени их сокрушени млатами бѣша, и тако скончавше подвиг страдания, приѣша от Бога нетления венцы. Темже возглашаем в похвалу им сѣце:

Радуйтесе, за имя Христово млатами сокрушеннии;
радуйтесе, несокрушимии сосуди, благодати Божия исполненнии.

Радуйтесе, страдальческий подвиг славно скончавшии;
радуйтесе, от ликѣв Ангельских в сожительство приѣтии.

Радуйтесе, пророк и апостол последователие;
радуйтесе, от тех прелюбезно сретеннии.

Радуйтесе, рода христианскаго славо великая;
радуйтесе, прекрасныя леторасли сада Иисусова.

Ра́дуйтеся, святыи четы́редесяте мученицы Севастийстии, пресла́внии чудотво́рцы.

Кондак 8

Стра́нную ми́рови до́блесть показá чюдная матьь свята́го Мелито́на, ви́дящи бо телеса́ мучеников, везо́ма на сожже́ние, своего́ же сы́на ещѣ жи́ва су́ща, взя на ра́мена своя́, да присовокупит к со́нму страда́льцев, и той испустит́ дух свой, Бо́гу поя: Аллилѹиа.

Икос 8

Все зверонра́вие прояви́ша мучителие, егда́ повелѣша свята́я телеса́ мученик сожещи́ огнем и прах их в реку́ воврещи́, да истребит́ся от земли́ па́мь их, оба́че посрами́шася; Господь же в ро́ды вѣчныя просла́ви я́ пред А́нгелы и челове́ки, сего́ ра́ди зове́м им:

Ра́дуйтеся, сквозѣ́ огонь и во́ду прошѣдшии;
ра́дуйтеся, вѣрныя во правове́рии утверди́вшии.
Ра́дуйтеся, враго́в Христо́вых низложителие;
ра́дуйтеся, ко Го́споду за вѣрных предста́телие.
Ра́дуйтеся, страстѣм Христо́вым общницы;
ра́дуйтеся, неусы́пнии за род христиа́нский моли́твенницы.
Ра́дуйтеся, жи́зни во Христѣ́ возвестителие;
ра́дуйтеся, неколе́блемии вѣрности о́брази.

Ра́дуйтеся, святыи четы́редесяте мученицы Севастийстии, пресла́внии чудотво́рцы.

Кондак 9

Вси христиа́не зело́ удиви́шася, я́ко ко́сти святых мученик чудѣсно но́щию в рецѣ́ я́ко звѣзды просия́ша, и че́стно со́брани, неоску́дная вѣрным исцелѣ́ния подаю́т, да поѣм Бо́гу: Аллилѹиа.

Икос 9

Ветия́ дрѣвний проро́чески, Бо́жиим Ду́хом озарѣ́нный, о кончи́не вѣрных во Псалти́ри поя́ше: проидо́хом сквозѣ́ огонь и во́ду, и извѣл еси́ ны в поко́й; вы же, святыи мученицы, де́лом сиѣ исполните. Сего́ ра́ди приими́те от нас похвалы́ сицевы́я:

Ра́дуйтеся, страда́ния вѣлия претерпе́вшии;
ра́дуйтеся, Давидово прорече́ние исполни́вшии;
Ра́дуйтеся, ве́ру Христо́ву до конца́ соблю́дшии;
ра́дуйтеся, я́ко злато в горни́ле, очи́стившиися.
Ра́дуйтеся, от бед нас спаса́ющии;
ра́дуйтеся, в ско́рбех нам помога́ющии.

Ра́дуйтеся, ко спасéнию душ нас наставля́ющие;
ра́дуйтеся, к Бо́гу о нас предста́тельствующии.

Ра́дуйтеся, святы́и четы́редесяте му́ченицы Севастийсти́и, пресла́внии чудотво́рцы.

Кондак 10

Спасéнию на́шему споспéшницы есте́, святы́и страсотéрпцы, те́мже усéрдно к вам прибега́ем: помози́те нам оста́ющее вре́мя жити́я в пока́ннии проводи́ти и всегда́ благодарно́ Богу́ взыва́ти: Аллилу́иа.

Икос 10

Стено́ю моли́тв ва́ших оградите́ нас, святы́и му́ченицы, от вся́ких зол и ко́зней вра́жиих, да охраня́еми ва́ми, ублажа́ем вас си́це:

Ра́дуйтеся, Кириóне, Канди́де и До́мне, Божéственнаго Писáния наста́вницы;

ра́дуйтеся, Агги́е и Аéтие сла́внии, на Не́бо ду́хом возлетéвшии.

Ра́дуйтеся, Афанáсие, Агла́ие, Вивиáне и Горго́ние, Христа́ Бо́га возлюбíвшии;

ра́дуйтеся, Екди́те, Га́ие и Евнойки́е, души́ своя́ за Христа́ положи́вшии.

Ра́дуйтеся, Евти́хие, Дометиáне и Иоáнне, прéлести мирскíя оста́вльшии;

ра́дуйтеся, Исíхие, Ира́клие и Кири́лле, Небéсная блага́ получи́вшии.

Ра́дуйтеся, Кла́вдие, Лисима́ше и Леóнтие, свéщи, пред Бо́гом возжéнные;

ра́дуйтеся, Илиáне и Или́е, моли́твенницы́ за мир весь усéрднии.

Ра́дуйтеся, святы́и четы́редесяте му́ченицы Севастийсти́и, пресла́внии чудотво́рцы.

Кондак 11

Пе́ние хвалéбное принóсим вам, святы́и му́ченицы, я́ко любвé ра́ди Христовы́ плóти своея́ не пощади́сте. Те́мже и па́мь ва́ша, я́ко пресвётлый свети́льник в Це́ркви сияет, ве́рных ду́хом озаря́юще, пою́щих Бо́гу: Аллилу́иа.

Икос 11

Свéтом Небéсным осия́нных зрим вас, пресла́внии страсотéрпцы Христовы́, Престо́лу бо Пресвяты́я Трои́цы вьну́ предстоите́ и о ми́ре моли́твы со дерзнове́нием принóсите; те́мже хвалéбная вам взыва́ем:

Ра́дуйтеся, Нико́лае, При́сче и Сма́рагде, зло́бы вра́жия победителие;

ра́дуйтеся, Филокты́моне и Фео́филе, любве́ Божественныя совершителие.

Ра́дуйтеся, Худио́не, Кса́нфие и Фла́вие, во́ини Христо́вы премудрии;

ра́дуйтеся, Мелито́не, Феоду́ле и Валенти́е, раба́и Бо́га пресла́внии.

Ра́дуйтеся, Христо́вы мученицы Валэ́рие, Алекса́ндре и Ака́кие;

ра́дуйтеся, до́блии страсотэ́рпцы Сакердо́не, Севери́ане и Сиси́ние.

Ра́дуйтеся, ла́стовицы, во о́бители Христо́вы возлетэ́вшия;

ра́дуйтеся, вэ́сну Христо́ву нам возвеща́ющие.

Ра́дуйтеся, святы́и четы́редесяте му́ченицы Севасти́йстии, пресла́внии чудотво́рцы.

Кондак 12

Благода́тию обильно исполняется о́битель Ксиропота́мская, иму́щи честны́я оста́нки ва́ша, пресла́внии му́ченицы и чудотво́рцы, те́мже и нас, па́мять ва́шу свэ́тло соверша́ющих, благода́ти Бо́жия моли́твами ва́шими исполня́йте, да поём чудэ́с Подателю́ Бо́гу: Аллилу́иа.

Икос 12

Пою́ще честна́я страда́ния ва́ша, святы́и му́ченицы, прославля́ем Го́спода, вас укрепившаго и венцы́ нетле́нными венча́вшаго, и яко́ тёплых засту́пников и ходата́ев за род христиа́нский ублажа́ем си́це:

Ра́дуйтеся, звёзды мы́сленныя, от Севасти́и возсия́вшия;

ра́дуйтеся, в Вы́шний Иерусали́м от земли́ возше́дшии.

Ра́дуйтеся, крэ́пцыи столпы́ Христо́вы Це́ркве четы́редесяте;

ра́дуйтеся, собра́ния церко́внаго сокрови́ще многоце́нное.

Ра́дуйтеся, в ско́рбех на́ших нам утэ́шителие;

ра́дуйтеся, радости́ вэ́чныя нам ходата́и.

Ра́дуйтеся, в трудэ́х поста́ и моли́твы на́ши споспэ́шницы.

ра́дуйтеся, всех вэ́рных хранителие и защи́тницы.

Ра́дуйтеся, святы́и четы́редесяте му́ченицы Севасти́йстии, пресла́внии чудотво́рцы.

Кондак 13

О святы́и страсотэ́рпцы Севасти́йстии, лъсти лука́ваго сла́внии победителие, предста́тельством ва́шим у Го́спода испросите́ нам побэ́ду на душевре́дныя стра́сти и го́рдость житэ́йскую, да в покая́нии поживше́, Небе́снаго Ца́рствия сподо́бимся, пою́ще Бо́гу: Аллилу́иа.

Молитва

О святїи сла́внии страстотерпцы Христо́вы четы́редесяте, во гра́де Севасти́и Христа́ ра́ди му́жественно пострада́вшии, сквозе́ огонь бо и воду прои́доште, и я́ко дру́зи Христо́вы в поко́й Небе́снаго Ца́рствія вше́дше, има́те ве́лие дерзнове́ние ко Пресвяте́й Троице ходата́йствовати о ро́де христиа́нстем, наипа́че же о почита́ющих святу́ю па́мь ва́шу и с ве́рою и любо́вию вас призыва́ющих. Испроси́те у Всеще́драго Бо́га прощэ́ние согрешэ́ний на́ших и жити́я на́шего исправле́ние, да в пока́янии и нелицеме́рней любви́ друг ко дру́гу поживше, со дерзнове́нием предста́нем Стра́шному Суди́щу Христо́ву, и ва́шим предста́тельством одесну́ю Пра́веднаго Судии́ предста́нем. Ей, уго́дницы Бо́жии, бу́дите нам защи́тницы от всех враг ви́димых и неви́димых, да под кро́вом святы́х ва́ших моли́тв изба́вимся от всех бед, зол и напа́стей до послéдняго дне жи́зни на́шея, и та́ко просла́вим вели́кое и достопокланя́емое И́мя Вседéтельныя Трои́цы, Отца́ и Сы́на и Свята́го Ду́ха, ны́не и прісно и во ве́ки веко́в. Ами́нь.